

陳恭介公文集

陳恭介公文集卷之十一

明餘姚心穀陳有年著

吉水南臯鄒元標校正

萬載崑崗張璧同校

從子陳啓孫付梓

冢子陳啓端編輯

書

復張嵒嵒

山中拜覲教之辱至取不佞姓名而殿諸大剡感知

已義甚盛日者徼明公推轂之素謂而出山望祭戟
非遠壯猶偉伐又日至耳也碌碌罷馬足間闕然未
及候乃明公不譴臺使鼎札儼然賜之先增啣悚矣
年聞君子之愛其入也不以相援而以相成不佞寔
固陋處非其據怔忡惧顛越明公儻有意乎願請片
言之惠以徹無辱不佞謹滌腑以聽惟明公幸察焉

復鄒南臯

自去歲得手教後久不請益然間一展誦未嘗不竦
然若對憬然若有省也獻歲太夫人無恙足下無恙

承歡左右為樂可知會有便輒一訊近養附有不腆
少佐滄瀨之需當不坐為溷耳年待罪地方倏二十
閱月蔑所為元元利澤者前教過而譽之以為群吏
嚮風黎民安堵談何容易望足下終教之足下曰吾
儕心腸直要建天地質鬼神考三王俟百世卓哉其
言之也鄙人在下中何敢當抑道士舍此而驚其流
有難言者矣敢不勉乎又曰若以當時口吻驗自己
得失恐諧俗者多調停而凌特者多拂逆良然然但
古之人未嘗不自信亦未嘗不驗諸人特所為驗者

非驗其諧俗也而驗其當於理也孔子曰質直而好義察言而觀色慮以下人此何為哉不者且為居之不疑大舜好問好察恒過之人徵色發聲而後喻誠使其喻也而充之以至於成功也不害其為建天地質鬼神考三王而俟百世也若彼已之子以諧俗驗亡論已又曰吾儕直當洗剔心髓嚴定規矩二語最為警策真斯須不可放過而洗心一節却在勿忘勿助間尤不易也足下以為何如又謂生身係一方重鎮不能無冗無溷無窘者其跡也實無冗無溷無窘

者其體也惟是邇來虛文勝而實意衰議論繁而成
功尠當此日靜以制動簡以御煩和而勿倡亦足以
少濟此指不佞當局迷處夫靜也簡也勿倡也不得
已而出其次不佞亦業爾爾矣獨恨平生不學臨事
不能不窘既窘不能不動心人豈不自知正復自媿
耳又曰觀吏治在小民得沾實惠惟於上所蠲者亦
蠲而不征民所輸者有正而亡羨又曰以國家之財
濟國家之民他日有餘又出以供上此二事皆於民
生為切且禁例科條具在似易舉獨在有司存以惻

但之心奉而行之則善矣大都近來吏治多取辦於
文移未必有實不佞誠既不足動人明又不能燭下
正所日夕有懷而罔敢知濟者也是下何以教之秉
燭臨楮卒日不銓次然請教之意實出肺腸是下年
來新得當益自覺充盛願不吝見示萬

與朱鑑塘

各郡邑災傷俟報齊即當題矣第題災非難慮所為
卹者難慮所為破格而卹者尤難比年之格可考而
循也進之則改折一節不特難請又進之則免窮可

文多留應解之銀事皆未敢必得而止外貶不與
焉此外惟及時糴穀最為急務而帑無藏錙縣賞勸
輸最為善舉而俗鮮赴義區又之愚舍是寡策門下
雖旦晚趨朝知回首舊民軫念不淺何以為子遺計
不佞願受教焉晨得劉饒州揭議以浮梁餘干互調
且乘餘干之未至更妥也說良有見台明見謂可否
都昌政事門下親耳目之何如南九諸邑俱堪稱否
統希裁教

復鄒南舉

承教地方疾苦異種。拯濟之策非足下何從得此
感感謝謝三春霽雨彌留麥麥穀踊樵販束手不佞
寔深有憂焉然所急最是去年灾邑蓋非敢謂餘無
足急也以為霽所同也灾所獨也以其故謬意議恤
似當有急緩乃茲緣尊教得貴邑又留貴邑
又留餘邑蓋以灾邑真令人痛心酸鼻不忍聞嗟
嗟不佞罪大矣讀教中父老諸語語急病之樂不
佞亦業有行者不縷述事在疏檄中摘錄請正其藥
糴一節不佞蓋反覆慮之一面題請一面檄九江道

無聞出外販至於鄉鄰通濟不佞之愚以為斷不可
禁微獨大義當爾即嚇騙搶攘諸縣禁糶生亦一當
慮也獎尚義原有明例嚴加耗不特灾年顧邇者未
特昭揭則不佞之踈耳南米概止恐勢不能行糴帑
賑濟不佞已特行諸灾邑而餘邑則於脩省檄內首
列焉聽有司酌量而輕重布之其錢贖領取諸該郡
邑或便宜或呈請不為遙制若舍該郡邑而它求惟
司庫耳該司每以祿糧燒造不給為詞近灾邑浩浩
猶無以應提衿見肘良非虛語不佞未暇憂後之不

繼而憂今之無處也奈何又大都救災之要在責成有司即當申飭前檄并及其未備者以求無負導教至於出水火登衽席則不敢輕言也足下有河神教者不惜時以示我幸甚幸甚會有印本發本之役并了日行案牘率又操管布復詞不宣心惟足下照亮

與翁見海

力來領尊翰已從舍中報時聞起居獨以膠又碌又關然關脩候徒有嚮往潭府百福龍山杖履為樂不

可量器君紆紳鎮京仲若叔翮又過庭質有其文慰
可知也豫章客無恙婦力疾不廢櫛沐次兒日挾策
就傳第若鈍耳諸雛以蚤春出痘幸全胥徼親翁之
芑廼所懽然悞者受事暮有半廬循故常與之休息
歲且邁薦菑賑業無奇真愧官廩回首舊閭先伯兄
既捐館舍長姊仲兄白首垂睽而長脉遠繩約日浮
湛風會驕靡中篋所稟畏不知作何收拾每念未嘗
不在里門也特在腑戚富不見謂謾敢畫布之冬寒
裘人饔人幸倍精調手勦惓切

與曾見臺

僕無狀近以請議糶糴猥被人言其始末未易一一
審也事略具揭中不欲多贅乃所私耿又者謬謂人
臣事君主不欺而其祇奉君命在得其所以命救災
恤民 聖天子之德意也積有米穀地方通融協助
聖天子之德音也灾不可一日不救民不可一日不
恤臣子所當奉如日星而時時仰體者也積耗無定
形封疆之吏所得權時勢而議者也故當其積也雖
五伯之時無過也即以近事言之江右之粟始末嘗

不出湖口也迨於耗也雖一統之世不得以身避嫌而不為地方計也即以近事言之僕未見浙粟之出平望南粟之過沛而山東之粟之逾德州也何也道與時勢固然也如其時移勢易司封疆者目視民困而不得一議則亦安取擁璽書而立於百城之上為哉議既見格又蒙之以不韙之名其為無狀明甚而其為辱朝廷之官更甚伏竊誅黜其何說之辭嗟又持論者常易當事者常難巧者常易拙者常難門下夙知不佞試言其為人終堪用世否必鏡之矣惟得

登一日放歸即少逭一分之罪而田間舊偶亦不至
以天真喪盡為訕何願幸大焉鄧定宇之命寔副物
望曾一致尊意先是亦嘗以鄙意敦勸之雅志似未
易回并附以聞

弔萬思默書

昨鄧太史書來云老伯頃乘箕尾以歸聞之不覺悲
風千里集也懸知孝子啻恤深摯何可居處已復念
兄令德芳標章又不辱如此二十年來所晨夕奉左
右揆杖履而進之以承壽色又如此迨大人矯然幾

上壽而後躬執其大事則在兄且當禮不致毀之年
矣夫孝子之心烏窮哉雖然願悅而就於禮餼糲強
自愛是固所為孝已弟越在疆隅末繇蒲服馳哀并弔
由室手抄寫哀兼脩不腆之奠臨風愴悵倍焉辛楚
若乃道義交期無葭離思姑不敢道也

答鄧定宇

不佞椎謬之狀門下具鏡之矣鎰深罪重主上厯
從寬典放歸知負國恩特甚然得脫然弛負山之擔
更大幸可無重後譴且適私願云頃需代疆域間拜

命之辱展誦增報夫驚分縻心安所關世道哉胡司
諫公疏良以屋烏故私之又從深飾之不佞自省無
當也人豈不自知知之審則進退信無所芥獨所謂
廟廟江湖俱有事云者不佞良惕又焉念曲士闇於
大道進實媿俸退寧無媿餐乎齒髮就衰身心多過
烏可寧而可顧門下終教之門下今之有道而載不
一就正真虛此來先是奉手教若將謂未遂棄然者
而今竟匆匆隔矣乃門下猶引而置之臭味之末也
追夙期之不果冀神物之終合不佞幸哉仰佩高義

是用益不自棄顧門下之終教之也聞大疏已發明
賢舉動不輕非不佞所敢緩頰第聖朝深知特簡
恐難必遂爾坊典為是邦人士風聲豈敢徼門下齒
及亦以時艱故遲又并其諸疏節不佞亦不敢以不
敏謝統恃道鑒臨風馳企如何可言

答申瑤泉

伏承台札感悚集衷念不肖實負重戾以為相公優
既待之再三更厯揭解豈以區區驥附敢徼靈至此
思扣臆莫知所報驚質縻縻退固其分也且屬夙心

方以得歸為幸詎當溫諭至云身詘道存大令魏死
不肖之身何道可存第歸而操迂推故我畢此餘生
則拜賜多矣主上神聖堯湯之儼儼然未盡平揆
府將無憂勞千萬玉攝手抃鳴私眊率惶恐

答王荊石

伏承手札憐念溢楮相公之垂情不肖至此曷勝感
激不肖實負重戾以為相公憂至厯九鼎之言竟得
微靈薄譴幸可知已驚分糜心退自其所相公幸毋
為不肖雪涕不肖雖不成丈夫固樹又適也日也

信需代旦晚逾山便為吾土幸視息尚存得操迂樵
故我與田間父老子弟耦俱為生敢忘知愛哉
主上神聖堯湯之儼然未盡平揆府將無憂勞干
萬玉攝

答曾見臺

承還領手札憐念溢楮可勝感激不佞自知決當去
且久欲去此在門下夙能明爾失不蚤決坐待人言
茲得脫然與世相忘於大夢之外方沒齒樂得其所
而它又何問焉門下幸毋為不佞扼腕哽咽也頃從

弋陽道中讀胡司諫公疏旋啣旋汗已知門下從吏
之夫不佞安敢當疏言將無使傍觀者謂名邦君子
以屋烏故私之耶不佞轉懣然不自安矣至論糴糶
事體關係荒政儻天未悔禍則盈虛通止之故恐終
當一虞也先是候覆 旨久未下嘗具一疏垂發得
旨隨禁之乃小啓并二揭原上門下者偶未之焚茲
并奉覽以其中頗具事始末及區區之愚云總之不
佞得罪豈直一議止外貶哉而猶然用是自明真所
謂夢中說夢矣門下一覽而焚之可也

與何心泉

衮衣還朝未能脩賀適承捧鼎札至具悉垂念感
不佞自知決當去且久欲去失不蚤決坐待人言茲
得脫然與世相忘於大夢之外而它又何問焉終誦
來諭將有意為不佞偶乎不佞誠未敢許自古沮溺
之偶畊周召之偶王各有攸當門下方將晉而以斗
樞為未以方寓為田無論周召偶中未易闡出即吾
沮溺偶中亦未易闡入也特夙愛手筆潦草伏祈道
照

與吳悟齋

下走世之樵人也知定當退且久欲求退失不蚤決耳茲幸脫然與世相忘於大夢之外口不欲罣是非矣走聞古之人乎古之人乎其自信也可生可殺不可使為歎以其中有重於生重於殺者而其涉世也呼牛呼馬惟世所命以其中有不為真牛真馬者下走結髮誦之今髮已種又退而返我初服樂我真吾墨守我不欺故步奉以作息沒齒無它儻無得罪於田間耦俱乎此外非所問已先是承從薊門還言事

之方棘也門下蓋倦又為下走憂甚摯感門下念我
且愛我日者無寧以下走被放故而重門下煩冤則
下走滋不自安夫下走固相又適也是用一鳴其鄙
私既以謝故人并以為解深心淺牘諸不復云

答謝養和

屢承翰教捧誦感激不佞迂率得罪以為門下憂鄉
微大䟽為之地罪不知所底矣事始末未易一二道
然門下業已悉之政不必道而不佞方與世相忘於
大夢之外又不欲道也即無論今茲當小䟽上日蓋

有從傍嗤其為拙危其賈禍者不佞直付之不恤謬
謂事當如是而已且古之君子可生可殺不可使為
欺第令罪不知所底猶然甘之况豐草長林旦暮所
結思而惟恐不得者乃幸因人而遂其為樂可勝言
哉獨貴省春灾夏又灾具不佞前二疏中通秋旱復
亢甚陂塘龜裂禾可燎柰何柰何念不佞餘烈如此
罪重罰輕轉令顏汗耳莊陽老聞欲過家尚未知果
否儻果則不佞且留滯信州頃得接君免觀會疏不
得已署舊銜發第思按君既有疏部可據覆不佞或

可無上也。賁疏者，往令取門下進止。惟財幸手筆，莽又臨緘，悚仄。

與史繼峰

陳大酉人還，附啓奉復計達，尊覽矣。災方多事，已而負罪待黜，闕然不嗣。承動止時有懸企，爾貴恙諒日就康復。幸顯精玉珥佐以良藥，大都攻補皆不可過。驟時醫難得明理者，顯貪速效，或好奇無當。幸慎用之，且勿示以欲速之旨也。簡書有程第，露下天高，驅車而北，亦須氣體全勝，乃可命駕。此自在翁度內屬。

在腑戚輒敵其欸欸之愚如此弟迂樵不能周世自知決當去且久欲去人亦見為決當去且久欲其去茲去於私願甚愜且可使世無忘我矣日已次信需代炎途苦暍然此中冷又適也賤軀健於居會城時旦晚逾山便為吾土從畏跼中完本來面目脩然塵網之外樂可知已差便手扪為候附茲郵棕

答胡雲屏

不佞頃需代信州蓋閉門卧云忽候人白僊眷實出是途也已復白使者而進之儼然以翰貺辱既恍若

面承又無又不獲出門物色千里駒恭訊而翁別來
履况聊因使言復如此佳貺附謝雖然不佞方趣代
者欲圖歸而授衣度都駕晝還日或得傍舍躬迓無
藉此尺一語也

答楊止菴

咫尺未晤思企為勞伏承芳訊知同之也走生而迂
滯通籍以來十七在家即如足下所稱株臥甕處山
麋林鹿云者走道不逮君子臭味實類之矣徃從海
濱聞足下之風業以心證千里若對而况身當其鄉

手奉其劄若茲今哉所欠一觀芝宇滌我塵襟不無
耿耿耳羈人方屏干旄自閉勢又未便間行扣閭以
其故空悵望然意猶未已擬行李既發單車而歎精
廬儻無以為唐突乎不然則懷玉道間謀一班荆之所
以遇禮接雖少選而別亦一快也若乃登嚴臺攬逋
山尋賀湖訪謝墅頻卽千古詎非勝游第足下方謂
出門則難茲未敢沾又謂得御李也人生會合不偶
足下不我郵外前請惟所命之走代期大抵在秋季
屆期圖更顓訂焉藉使布衷言何能悉惟足下幸鑒

與鄒南阜

走無狀黜不掩罪日佇代訊至東矣回首知愛逝將
疏逝仁者何以贈我竊有望焉走生而推推斯殓
不為偽亦以故終不能致誠推斯廩又不為惡亦以
故終不能止善蓋生平所強自立在此而其遠於大
道亦在此近次信少事閒坐以觀五十八年之非始
真見其病根即此訪邠客即此為桎梏為之悚然自
疚未敢輒以告人而茲亟為文懇者恃丈之愛我不
以美疾而以藥石也儻誠不靳而惠之瞑眩乎則走

不嫌別矣齋居學問旦夕得意何如相望千里無繇
晤對努力自愛何勝惓惓

又

頃觀邸報見朱鑑塘人才䟽被旨云主上不
釋然于諍臣如此李見羅自是偉人能當世間事何
廟堂督過之深也三嘆三嘆劉春元似不妨一出吾
輦出處惟時若必不出便是成心出而志不可行歸
來縛又爾高明謂何見間望致鄙意附及之

答劉節齋

第近惟無狀久知當去亦久欲求去失不蚤決積售
滋深主上厯從寬典放歸寔負國恩然於私顧甚
適矣日次信需代得手札惓惓可勝唏汗夫踦踦
硜之夫好我者謬見謂端介而不知其為世大尤也
郵舍偶語已忽然都忘但義命二言却是弟平生心
口中物丈言及之真戚若再抵掌云至饋遺有無
昨承下問不敢不以私對耳曲士之致高明豈有擇
哉轉愧正十年老兄弟知愛不淺如此陽山丈大抵
改朋可徑歸脫然逾山便為吾土四明江如田家猶

然丈牙旄過我時風味也老農狎其野樂與鄉父老子弟耦俱無猜沒齒又何問焉特丈明其非誕輒爾縷布辭入山而復鱗羽日益遼闊臨筆依

與吳韞菴

敝省厚幸徼明公之澤至深不佞猥承記在更慊
渥也屏居多病關然久不報恭惟明德隆望震寰
注晉掌容臺不佞從林中竊聞之既以其私為吳越
耄倪依戀於怙恃之遠而尤盱衡廟堂之上忤卿雲
之糾爛也屬自病垂兩月未能脩尺一恭賀忽

札之辱啣忽何可言三肅將命者布謝不盡積悃惟
門下幸察

答葉玄峰

濶䟽候承伏惟仁侯為遺黎閔雨勵摯頃四野徼福
沾澍矣百姓欣欣走相告曰吾侯庶幾色喜哉餘暑
尚驕願良食自愛不佞不善為揖病目閱時致流聞
於左右重辱念閭拜命嚙悚敬藉使布謝不盡

答朱脩吾

山中忽奉瓊函仰門下誼甚感憶昔同舍之遊年至

椎不佞且濶疏聞問何當惠存愧可知也門下長才
頗識旦暮擢大事登賢絀回竹帛勲名自今日始朝
野寔繫耳目焉山人搢故椎為熙時臞農於微分得
矣竿牘久塵乃雅意不可不謝敬藉耒耜一布之冬
寒千萬珍重

與趙定宇

昨長至後忽拜鼎札之辱重以佳藉不自意山中固
陋過廬惠存如此祇誦來指轉益汗顏夫以至椎無
術濫拊菑黎空自焦勞其何能淑黜已晚矣至其生

平無是數區又守其不欺之愚動而多尤門下安所
取之何眷又也即長安邸一再奉晤曾是以當大君
子哉今寓內稱直道大節孰先門下者尊鱸之恩將
如世道何幸勉為天下無遐心望望天方薦瘥薄海
之困未知攸底不佞癯農餘巾待期矣所願者君子
道長治象休明得與田間耦騰倚化日耳偶便勒此
敬謝芳訊無承起居越茗二椀附上門下校書夜分
可呼侍者烹進之也

與宋桐江

既命遠辱追惟洪都共事之雅轉轂成濶疏矣空谷
臞慵何當惠念真懣然汗也門下顯允文武領官家缺
鉞填周公太公之邦不佞寔矯首盱衡繫勲名是企
而闕然曾不聞問蓋山人固然知不為怪乃茲三肅
使者脉脉焉慙高誼矣屬者桑梓薦舊耳目前多可
隱者不佞無遑締恤第時諷憂國願年豐之句從鄉
鄰占雲笈雨幾幸與太平父老比肩而畢餘年它不
敢知也詹謝脩述敬寓薄蹠上并附悰焉和門燕閒
千萬為蒼生珍重不宣

與舒中陽

關阻瞻握即敝省再借歲星且拜貺教之辱病不能
謁也京邸得滇中問已從令器史君一訊別來顏色
忽又走豫章隨章節鉞臨淮楚方圖脩候而不佞被
罪歸矣負觥而東祇有遙企不自意荒逖孤踪塵門
下惠念越千里而禮於其廬高誼何可當旋啣旋忍
門下明德竑猷豐功碩望斗樞晉握端揆佇登有識
寔共仰之不佞伏在海濱末繇稱賀敬藉將命者一
布牂私焉側聞代日將以便晝還華堂上壽珂里象

賢願仰之樂寓內鮮二願惟聖明眷重旂常業遠願
言夙駕無淹簡書望不佞迂推無當得與田間父
老耦俱正自其所沒齒是耳他非所知已臺使倚馬
取報屬有目疾潦率勒謝惟門下幸鑒

答沈蛟門

有年鄉脩負末屬椎駑無當老先生稔察之矣日者
罪廢屏居望斗山非遙豈不嚮往乃時時抱狗馬病
曾不能造門請教其無所增益又從可知也此不自
意猥被聖恩有操江之命正悚然負水谷伏承鼎

札瑤貺儼然辱臨吁汗何可當方今世道民生信有
可隱憂者矣政且及翁幹旋之望寓內無多屬焉有
年區區曲士垂老出山無以報國惟有操不欺舊我
勉強就列度不可行則奉身退耳門下何以策之

與政府冢鄉

有年賦性最劣學術寡聞追惟通籍以來夙鮮善狀
比忝拊循之寄淹積大訖進媿逾涯退其沒齒乃者
猥蒙聖澤濫及逋臣豐鎬王都協紀綱之重地東南
天塹分軍國之巨防豈草澤踈椎之敢當寔台臺甄

植之已過驚聞朝命懼負皇恩是用跼蹐出山勉
就列雖區又曲士之諒矢弗敢諼而謏又下采之才
終何能淑捐糜莫稱冰谷滋深伏乞惠之法程策其
駑蹇將奉以從事儻幸逭負乘之僇則昭若發蒙即
曲終推轂之惠其為感激曷可諭言

與茅鹿門

有年不佞蓋結髮而誦先生制義稍長間竊窺著述
心翮又知慕之竟末繇伏謁門下聽緒論也不謂疎
逖之踪承先生幸念邇褚丈至拜鼎札之辱并漢書

抄俱至即塵牘吏未能卒業乃閱議淵旨一展卷惠
教殊不淺也不佞世之推人耳年來已分為四明江
坳臞農老不求聞於世忽有傳次君推轂疏者不佞
何敢望長孺公權有過情之耻焉且不佞未得交於
次君豈先生家庭之論嘗齒及耶徂臘冒昧出山近
復濫叨內命循省冰谷既惧負國恩又惧貽推轂者
羞先生何以督誨之風便勒此敬謝芳訊兼候起居
迫代冗劇不盡區區又惟門下幸照

答葉玄峰

明侯惠政仁風周浹敝邑舊黎寔被帡幪至厚幸也第
內召且旦暮至恐不得終徼孔邇之澤耳不佞樵劣
無當方覆餗是惧不意復叨新命祇益冰谷已於十
三日得代畏此簡書跼蹐而北日遠台光倍增企仰
茲某回轍此奉候冗執未卒所請惟門下華鑒

與梁霖宇

不佞推且劣猥拜近命日夕抱冰兢翰使來且慰且
悚別啓譚邊纔又其言之也以滅虜為心以戰守為
務以貢市為餌三言良得要領哉傳有之兵難踰度

公今茲躬履諸塞矣情形當益智方略當益審異日
者勲伐鼎茂竟當得此力也至于意見異同議論紛
起誠就之并包熟察採長盡變則古所謂冰炭相成
者亦未必定無高明見謂然不謏識無當屬以共事
之誼輒一及之

又

接二牘種又詳哲非身履之不及此至云事儘可做
人不肯實心做又云精神意氣不用之媚權則用之
媚虜有味哉此本論也廟堂方急才足下行且建節

萬里大展所蓄積矣虜酋議旦晚當定責之報効竟
安決策度虜恋欵我得因持而用之使彼之僥得之
也儻少嚴中國乎使便草又附報不盡所云

與郝少泉

生不佞頃叨轉秋曹已復有夏曹之命蓋逾非所據
逾冰兢矣伏承遠札可勝悚然方今虜情匪茹剽劫
日已告棘計遼左亦未得帖帖弋矢也安攘長略
寔門下是恃敢猥以區又濫吹故重塵掌記而妨著
籌即古稱晉勇以暇顧不佞何當也敬藉使報音燕

歸璧以謝且布其私曰不佞儻緣職事得顯承教言
則拜賜侈矣緡貺類無敢承則曲士之固也惟門下
幸察之

與袁洪溪

昨緣役還布候關然不嗣晉拜命之辱旋啻旋悚念
生不佞日者叨貳秋卿豈不覲然而媿負乘哉然猶
譖曰繫筮服所也勉而脩其斤斤之素卒業三尺儻
不致大戾乎是用抗類從事乃居無何而有夏曹之
轉則投之非據而私心滋恇又懼矣夫門下之過而

惠我以好音也未知其叨冒有是也藉知之計門下
當為不佞懼且挾其蔽而策其所不能也敬因將命
者布謝芳訊并致區區之請焉仰恃夙雅惟門下念
之

與陳蓋齋

東南蓄罷甚矣海上會有警息即未必信民情可知
也且憶往者倭夷之擾幸時無蓄不值劉汝國輩作
耳不佞之愚謂為今計既在設防又在填撫人心毋
令思亂適領揭教屢頌敬服屬冗甚率勒以復

與葉龍潭

僕椎魯不識塞上事獨竊覩時艱文敝匙真心為國者蓋內外同病而間嘗聞之曰塞上為甚云乃近得門下填關中也夫坐而策虜則先二十年門下業已蚤計其至是茲政在門下矣抒素所蘊蓄以脩寔政展壯猶在此時也即頃持議異同然國家久長之慮未有不倚重者門下柰何作釋負語虜情旦晚且決事且歸一顧壹意無他念一日三捷不佞為門下望之紫塞風塵千萬自愛若不佞區區舊我耳目者冒

昧出山游叨非據德輶地重莫知所屆門下夙好我
尊俎稍宴願惠德音傳稱晉國之勇以暇門下且驚
視晉勇幸勿云不暇也

與其紫亭

不佞之仰高賢闕然乏一覲乃所為嚮徃有日矣矧
未損割浣懣交深夫不佞曩待罪大邦迂樵之狀門
下所悉也罪放以來分為田間癯老不自意猥承環
命游歷逾涯日益以不堪方廩又爲負乘是惕胡以
當華教也詩云人之好我示我周行即門下母謂不

佞鄙而惠示之乎迂樵故吾竊傾臆望焉肅仵馳誠
敬以報芳訊惟委照不宣

與曹嗣山

不佞昨過濟承世誼卷又甚厚關然久未謝而華函
復見辱矣不佞又謗又日者猥被新命蓋滋非據
滋不堪方廩焉夕惕也執事慨然發大議云軍政弊
於債帥而謬謂不佞為足清源正本誦之祇益慙慙
無論是謗又者何能為即墨守其又而斬以淺衷
薄力為國家重鉅有當也雖然執事無謂不佞鄙而

舍我拜交儻之義多矣

與寒理庵

弟生而椎甚惟墨守是硜又者儻不致潰裂諸無當也矧軍國大計哉猥承新命真不啻負山履水忙又夕惕矣仰辱華函祇益汗悚展誦之日會賤軀苦風咳已值一可咲事憮然曰將并是硜又姓氏為人所借乎墨守之謂何因疏勸待命坐稽使者闕然不時報而嗣音屢及從杜門中得聞疆事甚具昨始勉出敬勒楮右謝存念無謝致言朔寒尊祖無恙願為公

家自愛

與趙心堂

門下夙習不佞識其椎且闇也猥是藉我濫貳政曹
真不啻負山履水日夕以惕拜命之辱祇益悚然方
今塞議糾紛未知攸底附以海上之報即未定未亦
域內之風聲鶴唳也蓄餘人情易騷難救有可隱憂
往歲倭奴橫行幸不與通者蘄黃震澤之孽參會耳
門下遠識壯猶策此至熟不佞竊願聞教焉

與鄭崑巖

不佞生平不談兵比者廷推之日寔與在列忽聞主
爵者之齒及之也愕起力辭不能得退而忸_又廩_又
莫知所_面也華札遙臨祇益慙然夫紀綱之忤弊漸
矣疆事且狎報_又老書生何能贊一籌哉丈幸教
之

與蕭岳峰

承翰教并示虜酋表啓門下所為籌畫不淺矣虜猶
虎也姑中其欲令勿遽噬若馴伏媚已者然自是一
術要在曲意周防竟之不自遺患爾舊約難復勢有

固然語云作始簡將畢必鉅今又一始已謹始慮終
尊教之旨想不端為罷歟也惟人不媚塞事特雅
及之總在門下度內惟鑒涵幸甚

與宋桐江

海上無事逾三十年矣一旦告警生東南憂承教遴
文武才彈壓要地此防禦第一義也惟是擘畫多暇
回首梓里有可為曲慮周防者願附請教焉計亦閤
下之所重念也

與蕭念渠

件來辱書、諗已闢府莅事、會見五羊八桂間、吏治齋
齋、萌庶愷悌、而山海且宴然安於寵靈、蓋以門下之
明德竑才卜之、非敢為佞也、方今西北事殷、而島夷
近傳復為東南子遺者之風、聲鶴唳、至於法弊人窮、
易動難救、所在比然、即徼福無憂、嶺表哉、中外人心
不無隱憂者矣、門下保釐多暇、以其餘為海寓計、至
周杞人敢借請焉、亦惟是夙雅是恃、不覺覩縷惟門
下鑒之、

與葉龍潭

伏承尊劄諗節鉞已泣莊浪矣塞事積利坐驕獫狁
自今日旌旗改色群醜且聞風遠跡哉日者榆林之
捷足生士氣惟強與弱詎不在人惟是蛇豕匪茹將
無借曩降起折膠之候有可隱憂門下忠憤壯歎寔
當重塞而一時聯事幸多寓內名碩相與共爍王靈
廓清朔漠則大夫士所食望於門下良厚微獨不佞
已爾有懷頰又敬因使者肅布之

與呂新吾

門下以誠才表當世所蒿目時事而一意營公家用

弘濟茲蒼赤則素所蘊畜然也今當宁特簡授鉞寄
之艱鉅矣晉實得歲門下光明卓偉之業將自晉始
夫世患無定力本之則無實心是以寓內日靡又就
敝廷推之日同朝莫不欣欣焉為世道慶且津又焉
佇觀大君子作用云而不佞更雅辱知愛其幸且企
信可知已有懷頻又未緣脩賀敬藉將命者一布之

與賈西池

承翰揭壯哉邇來所未有也諸邊久不言戰虜自輕
中國乃門下一發縱而大創之戮其魁塞垣改色事

不在人哉此舉關係最重縱有挾故智而議者勿恤
矣第驕虜仇報勢或不能無然計日下無能為者從
此至高秋我衆益勵我脩益設一日三捷不佞預為
門下祝之

與魏確菴

塞事不振久自門下奉簡命起而文武吏攘臂譚邊
者始望以為的壯士思介馬馳矣一發縱而斬酋馘
醜首功之多數十年未有也驕胡不敢必其巢始知
有中國矣天下事不在人哉不佞年往隸於主爵之

署幸得奉教承令違濶忽七閏而羸大都從田間望
東山者十八從萍途左者十二闕然抱空企不自意
晚拜環賜冒昧出山睹韓范社稷之勲快可知已惟
是椎劣故吾叨竊逾分怔又若負山履冰日夕以惕
門下儻惠念舊屬不靳誨策則大幸也臺使便藉上
尺一恭布忭仰并抒積悰如此籌邊方殷尊俎良自
玉

與蕭岳峰

邊事難言伏承劄揭老於謀國者蓋如此敬謝教矣

日聞西師出塞計驕胡不忘入報勢且走東虜求濟
師焉還玩東虜於掌股間坐孤西虜是在門下搃之
國是原屬一家亡論歟之閒暇足以畜戰即戰之滅
嚴政足堅歟也台裁以為何如

與劉節齋

同年幾若晨星矣日跂駕從還朝得時請教焉廼吾
夫忽以口語待歟可為三嘆語云桃李成蹊門下幸
几又自愛惟是三十年老兄弟合併之難如此轉觖
觖耳使迂薄寫我衷率又未罄積悽是日震霆會不

測丈逖聽之將無為公家重有憂乎附及之

與魏確菴

頃藉使上記過辱台函還答迺然若夙昔居子部而
奉左右教也慰幸何可言碩獎詡溢分一非樵劣所
當耳邊事積弛延鎮之捷旌旗改色矣獨群醜時不
忘復尚厯長慮計必一大創之使目前相戒無敢犯
而更為百年無事之後齒則元老壯猷無論悠遠者
之言自當心屈常寧之所倚重良不淺也檄諭諸抄
領教屬有目疾率劫以復

興業龍潭

跡武宗塔事火酋名遠跡海上而猶然連番藏間信
誦之不忘突哉門下擒縱因制具有深機虜當不足
平已比忽聞寧夏之變大可驚憂夫近所慮者疆事
耳而變顧自內作既痛決裂又虞交通如何又朱和
陽已領寧鎮知門下方與共禍虜乃廟堂為救焚計
急用人爾又且勢不得候然如常調門下幸擇其繼
者敬因將命者并布之國家事遂紛然至此紀文林
敢索言統惟鑒察

與賈西池

屢奉翰教外籌戎虜。內計兵食。所為塞事。種種慮深遠矣。屬病日久。不報。良用闕然。日下虜情。何如。東顧戀歎。姑因而縻之。當不便西合其諸。棄出綢繆。捫捫業有成畫。足辦此虜。乃近不意。忽有寧鎮事。所垂嘆者。國紀潰也。如何。又

與孫立峰

天祐國家。帝咨均統。乃眷一德。俾宅百揆。蓋世運將由經還淳。而士心寔顯。若稱慶寧。不佞獨哉。不佞辱

以道誼世雅茲又從同曹之後則慶有獨焉且什作
焉者爾謹勅赫蹏肅迓台駕盱衡引領南鄉以頌猷
惟蚤命前麾庸仰慰宸衷俯答輿望而不佞將旦晚
觀大業焉曷勝馳企之至

與賈西池

承教祇領疆場之事隨入隨禦未能卒殂若一大創
之使無敢覬逞則我文當有定籌矣乃寧鎮近變更
稍駭異既裂國紀且生狡心制府公親董重兵計必
剪滅至於宣猷共濟門下寔有責焉非直震隣亦係

一体預定亂防虜兩者皆急然誠得其機則兩得之矣大抵萌蘗蚤除則蔓絕堂奧蚤靖則外威孚服妙用是在門下敬因還使附布緒言度楮達之日當毛報定也

與沈繼山

門下正色剛腸出則將安社稷揭宇宙乃今日奉天子簡命秉鉞而鎮三秦也旂常之功請自秦始蓋天下風靡甚中外且種種多危機未知安極真滅陽揀穢稅則方耕緊賴矣功成歸袞庸匡贊天子而

終始門下赤忠同朝有厚望焉匪直不佞敢藉使者
恭布之

與李晴原

門下明德正訓所嘉惠淵人士良至矣士猶有不若
德不率訓而踴然恣睢者豈理也哉不佞竊觀一時
風氣顯不競於常度而以臆競甚且以亂競有可三
嘆者乃不意事出子衿且近自明公陶範之下以頌
德訓爾又也承教不佞為鄉人悚仄甚矣使還屬冗
病潦畧具復

與魏確養

承尊劄知西賊業奪魄若拘囚旦晚不足平矣乃前
茅方按甲敷告斬於龕定而惟恐崑崗之或炎也且肅
使者旋喜旋服謹竦意以需露布之至為國紀民生
交慶焉先此抒忤計小楮達日元亮定也授首萬有
一稽誅者則困獸求生或亦諸部曲所當戒也書生
無所知且必不至是輒過及之

與張弘軒

頃一送薛公之車佇望僊跡頓踈聞問懷企不能忘

夫三十年老同袍真若晨星矣昨弟來自東居無何
送太倉公已送長洲公已復送公戀可知已更念長
安道中徃來何常形而三公者皆載天子寵命乘
六傳還也錦堂珂里杖履逍遙時出賜金召親朋父
老啣酒杯為樂可不謂完福哉至於翩又象賢顥能
世其家生此王國公家又慕盛且施於孫枝云則不
佞寔盱衡沁水叢臺間為門下愉快第茲中外多事
天子且思舊司馬勞伐召而遺之艱大門下卧未安
爾語云為樂當及時門下第良食自愛不佞敬因祠

部君承起居焉若區又叨竊逾分與近具疏自引之
私不足以溷清聽也

與艾癭亭

門下正氣忠臆聲又名世乃茲今奉 天子簡命秉
鉞鎮三巴也文武為憲不曰鉅寄哉官府疆場在
多危機門下所稱吏蠹民凋夷訐蓋不直雪山劍閣
間矣門下業有意計安之雪山劍閣且宴然託於寵
靈不佞謂歲且在蜀抑節鉞燕閒門下能無望依北
斗且為寰宇周慮耶敬藉使者言報併附及之

與賈石葵

門下文武壯猷。鼎台重望。蒼生繫念。非一日矣。廼者
穆於師。錫蘭在帝心。特起東山。晉貳中筭。凡厥衿佩
共切忤瞻。而不佞舊濫司馬之筭。方微瑕掩。新與推
賢之啓。倍襲榮施。肅勒魚緘。恭抒燕賀。願言夙駕。式
懌肝思。

與王方麓

聞下今之有道也。居東山久。日徵書一下。而海內無
不傾心快觀。真若景星卿雲之昭麗云。年不佞即未

獲一見然所慕聞明德最熟嚮往且最誠以為世風
日靡質行經術日遠於古人而闕然有道者之就也
忽奉德音若不我鄙夷然者既幸且悚賴此衷散
因使者畧布之

與舒中陽

拜命之辱諗台節已涖濟上矣河政殷鉅當寧疇咨
特簡謂門下舊有績於徐邳淮甸慮此至熟也遺艱
委重若操左契而需平成之謨以舒宵旰夫荆下魯
中則夙有全河焉師虞顓斷為國計民生永賴是在

今日不佞敢為門下祝之

與魏確卷

伏領三月廿八日翰劄屬年方註籍引嫌闕然不時
報比連得揭示深用喜慰始門下發諸部兵未厚集
外虞醜類內憂飛語慮殷又矣竟之師旅大振賊屢
蝟入保窘若奔虎然且聞之曰所發兵單薄城下粟
糒具充足制賊死命則門下所畫籌定而機宜審也
蕩平之烈計日以待敬因使者布之發縱方嚴未罄
欲請

與徐魯源

弟生而推迤以推老滋益癩不自意謬為世用今昔
所叨被率過情逾涯愚懷不可任語云人豈不自知
夫天下惟自知真耳弟辱丈年籍三十年適領翰而
猶然驚丈之溢美也抑百尺竿頭鞭影之示佩道愛
深遠矣敢不拜教敬藉使者布之就使諗丈已下車
視事嵩山洛水之間鍾呂在焉併此附候

與吳靄菴

陳卒不靖戎看伏辜阿下之旗鼓寔彈壓之乃猶然

引愿自陳大臣不當如是耶楊愈憲端人也為法量
調何足為損承教更領惜才至意矣冗率勃報不盡
懷又

與李克庵

逖聽明德無日不馳思左右。忝來以劄欣慰可言。教
失風靡乃不顯文武吏種。又厘彈事展揭慨然古之
君子所為攬轡澄清良有以也不佞近叨新命地重
德涼自引未得遂日夕以惕輒藉便忝敢以教言請
脩悰短牘未盡所云

與楊小林

不佞濫竽政曹復不自意有佐銓之命丈視椎劣舊
我能堪此不兢惕轉益深矣恭承遠札增其慙懣念
丈夫誓師討逆羽書靡遑乃猶然橫槊授簡猥致諸
不佞晉勇以賤良非虛言抑溢美盈箴不獲聞一言
之儼非所望於故人爾使者趣報輒率勒藉布之王
誅無稽龕定之音旦晚以竢西望幕府并布候私

與崔振峰

僕最無長屢墨守是硜又云爾秦中丞假餽事荷阿

下審鏡其誣感謝多矣此君既甘自敗諸無足論乃
餽遺屢有明禁而昨一歲間以餽呈白蔞者紛沓浣
宸鑒若謂當世士率不砥於節又不難干禁如此其
敗顯可勝道哉至于綱紀陵夷冠裳塗炭大非所以
令衆庶見而或者猶未之猛省每與二三有識言之
真可痛恨且獨嘆羨楚西臺舉為靡又者風非敢為
佞也輒恃道諒不覺縷又及之

與楊夢山

有年遂不佞自曩得以屬吏事左右朝類少誘若飲

巨河清風素節既竊其性之賡近者益用自淑初經
磴福隘每一進見求嘗不退而心屈云奉別七易歲
萍遊匏止時又不能忘比冒昧再入長安則台履已
畫還第隱若見紫氣氤氲從桃花塢直上已爾短鋤
擲菜小簞攤書舊圖可續樂只無量特不識清宵北
望間一占帝座若前星乎官府朝鄙杞人猶然有憂
之山中元老知不能以一家三代忘斯世也有年區
區舊我且日老矣邇來所徼茫濫叨者率過情逾分
慙慙不可當茂訓尺寸上莫知所以報宸眷而次虞

然知己羞是之恒不臺下傳更合時者賜之終教有
年不勝大願敬披積愆以聞展展覽揆伏惟壽祺單
厚不腆布承拜使馳誠神楮偕往

與張弘軒

弟甫即卽舍業拜命之辱矣荒啓布謝更辱申之以
瓊札溢有譽辭不佞何敢當也日者每得誦大疏所
為虞邊防計吏治石畫淵念壹若慮家人乃昨接教
言愧以鄭荊顓䟽指大君子當如是矣不佞焉知事
獨竊念天下事所繇積利坐空言飾聽而無真切任

事之誠即有任事者志莫與同且甲倡而乙撓朝飭而夕弛成未可幾也故善任大事者審我之必成又審人之必我成而後任何者誠慮夫一舉不中後阻創之而莫敢為莫敢為則隳矣不佞焉知事直以過承懃繕之雅輒布區區知不足當門下緒籌也秋嚴在事簡書為勞幸留意尊姐慎自攝

與成益齋

營卒效尤鼓譟天下事紛又至此大有可憂者矣門下即欲弛擔將無滋驕卒當如國體何比軍情帖又

最忘不利風將至北虜屬常耳茲旦旦晚虜侵國家
提鉄鉞而授諸明公率率齒之

與達少微

聞下造德雅望為政中林之日久比出而旬宣豫章
越丹雘鉞而拊循之當寧所惠此一方至厚矣夫門
下之精意方日與文武吏若士庶者浹也教令又相
相服習德之流行豈崇朝哉不佞往承乏此方用其
至謏至闇三與諸會空焦然愧無遺德焉時又念之
乃茲今而為舊民愉快也則歲在翼軫之分已懷綏

未布乃荷尊札之辱敬此藉復并附言賀惟門下幸
鑒

與艾熙亭

門下實德精忠當長立朝著即奉璽書拊循一方者
元元必蒙福忽領翰揭甚懽然門下風神王無恙藉
令急簡書道罷乎損一勞役即脫然愈益一刃圭即
脫然愈何至作遯思也家翁新摯謂門下宜安之庸
勉布 天子德意康是三川業已覆奉綸旨具咨中
不佞因藉使致縷如此不佞椎劣若舊何堪縉等

比茲暑也壯火食氣目大眊日飲冰思逃矣門下教
之官府邊腹紛紛可虞者計從邸報徹覽沈丈近復
解關中節鉞矣豈丈夫固多齟齬耶附及之

與陸五臺

門下歸自關氣運蓋從古未有上下不交而大臣得
舉其職父在位者也山中元老兀兀作逍遙遊何憾
焉臣又杞憂廼在一人去就外爾趙正郎來言得見
於傳中移日語甚健厥明偶中疾蓋信宿而脫然愈
已訊知從清源舟行矣茲之日計入里門且久伏惟

尊候函福第高年訓磨更祈厚自珍重敬因便風布
縷又云有年劣劣知終負推轂嘗疏不堪狀兼以嫌
引未遂也心頗又未能安敢并布之

與梁霖字

時事勢棘國家急才虜重則借而北倭重復借而南
賢者固多勞哉禦倭要領扼諸海一語得之所難者
濱海徠無船耳非惟徠無船兼徠無兵非無兵無習
海之兵也藉令登岬則不佞謂就中有稍與南異者
也多渠淖林薄渠淖利跳突林薄利伏藏此倭之

長技、南人即習其地、每又不能勝、往間驅北兵而與之鬪、又大謬、北地多曠、此北兵用長所也、若厚集精騎、四面馳射之、恐倭奴亦未必能當、第不識其情形、須得南兵習倭者、同心相濟、庶不為所誤、高明以為何如、不佞生不知兵、亦不能談兵、以執事舊同曹、且承劄教、因使及之、即無當、諒不為訝也、前塵何日抵天津、便間望示箸籌、非直快聞、方畧亦以家在吳越、儻倭奴無幸、則棠梓且徼餘福爾、

與碩冲菴

今天下推文武壯猷必先門下矣時事多虞當宁念
薊遼地重起家授節鉞所倚畀不至艱鉅哉伏承翰
揭知門下重有駒隙之感然綸音趣駕祥禪屆期俯
之就禮作而趨命固孝子忠臣之大義門下何辭焉
願蚤戒行李勉赴簡書使脫巾易慮折膠建威庸紆
宵旰之憂丕豎安懷之烈斯不亦門下素所蘊畜也
者而中外寔傾望之非敢為佞也敬因使者以聞

與楊止菴

門下抱道中林致甚高然有識時時望一出也召禽

頃頃興情寔快之跡來辭未就道將無過乎出處大
義賢者必自有說非不佞從旁所得窺然不佞屢奉
劄教則未嘗不惓又世道矣如其惓又世道定非槁
立畸行廢人倫以自為高者昔人謂與人同樂不得
不與人同憂門下業已與人同憂又安得子然安於
逍遙之野也諦時審已可出與不是入門下而不佞
神交至深虞賢者之過而入于固也是用布其款又
之愚俾門下寔度衷焉乃若不佞濫吹逾涯方廩然
抱冰谷大愧知我未緣披對臨楮祗益竦然

與許敬菴

踈迹蕪懶作書然意不忘嚮往也頃兄納言命下朝
夕跂望謂得親教言忽領翰揭辭未就道殊為舐舐
兄非為文者願以弟之不佞謂兄今日無可辭義沮
時事焚棘官府邊腹種又有隱憂兄能不為公家計
耶大䟽下部業覆請趣駕伏惟翻然蚤發將世道寔
弘賴焉若乃同年之晨星也不佞弟之忝又負山而
幾幸於砭策也則其私者也有懷頓首敬藉使者盡
布之秋風戒途加食自愛

與寥理菴

咫尺薊門念吾丈儼然在哀經之中抱茲創感且
天子封疆之重臣也制不得旦晚弛於負擔脫然星
行知棘又在疚矣抑孝子之心安極哉先王為之禮
斬於毀瘠不形至云身自執事者面垢而已何其節
也丈無庸執事而身國之大事不啻身事宜何如節
者夫孝有不匱我丈深念之紫塞而外轅門而內安
所不勵籌策此詎可瘠而任也第非敢佞敬布其縷
縷云爾不腆誅奠亦聊以脩年家子之禮臨風隕拜

祇益愴然

與徐陵陽

老大竟以口語歸世跡良可嘆矣白首同年倍有晨
星之感闕然久不候每憶煩紆忤來損書及揭披讀
增慨夫其口衆我如人何然有真我在人亦無如我
何也几几泉石間誰復能丈妒哉強食自愛不勝至
禱

與高受所

恭審尊候多福褰帷錦江玉壘間幸無謂蜀道難也

獨念板輿阻術彩襲稀展知時興白雲之望然深資
榮問西川詎當私熊軾哉上壽北堂且有日爾弟濫
吹逾涯頃者疏引未遂滋益重冰谷丈何以砭策我
諭邇不盡縷又

與周寧宇

得翰知榮蒞為慰名賢受抑逾一紀而天者終定孰
謂權奸能終錮人哉拘牽之難破久矣非艾中丞不
能慨然發此論而主爵持之執政成之真稱殊遇不
佞第抵掌快爾時艱急賢努力自愛夫非常之遇固

不可以常報也。傾拭以俟。

與饒行素

西臺頃接風度。若乃質行文。心欽慕。匪頃伊始也。比
字內文。不啻勝矣。南畿故儒國。今日之事。公為政哉。
將斌又烏文。質有所底。為四國先。豈惟畿士不佞。敬
傾拭以需。且毋使譚化者。謬謂學政無當於世也。使
還籍報。併獻門下。幸鑒焉。

與李克遷

今天下靡又波矣。質行清標。屹為砥柱。中臺簡借。世

道之幸也楊公權豈異人哉前茅度何日可發荆願
夙駕無淹久改歲計期至矣郭大夫公臭味也將荆
比得歲耶門下無憂舊氓第憂世道不佞固願執鞭
者使將命至輒藉布之不宣

與周公子餘臺

先尊翁時之鼎呂溘乘箕尾何天奪之速也同朝駭
愕相顧為世道痛微獨不佞乃不佞蚤附年雅辱以
道義交痛有甚焉者爾語云事蓋棺始定明全終難
也先尊翁則既無憾矣如以人品國典相提而論即

贈官自優得之竟束於未任之文遂從寢裕私篆殊
惋然總之名流不朽有非待贈官而瞑者可為知者
道也使還投涕以報祇益耿耿頃見西君所致書翩
翩文矣努力襄大事且尚象賢用慰在天之靈附及
之

與郝少泉

伏承昂札諒節鉞已蒞薊門可勝慰仰夫獵狝之習
為蒞也島夷又新為對畧於我藩籬時事洵有虞巡
門地最重今日之事門下為政門下則夙驚獵狝而

策息夷矣茲奉 天子簡命總率諸文武大吏惟所
發縱且不更箸而籌也以安誠攘厚防而薄伐後勒
石而先奠枕將列鎮寔怙寵靈以生而宗社受其大
福則門下樹德建業式弘侈哉僕不佞三肅使者以
報而輒私布其悃欵如此

與沈鏡宇

前使還藉上赤牘盖旦晚望旌色矣忽領嘉音知尊
駕以間歸覲依依未亟發且有超然自引之舉焉夫
造德在朝繫衆所望也時况多艱若之何其以遐心

觖卿大夫望而後公家之急即門下抱蘭陔誼至高
其無乃非當宁簡借意乎不佞聞之曰尊大人蓋壽
且疆門下上壽畢幸承尊大人志整駕而北公家且
有厚倚惟門下重念之不佞敢再藉使者馳誠左右
東望曷勝惓切

與周鼎石

承教深感時艱急才教中所稱引衆君子則信民譽
哉比業有登進者冢翁方壹秉空平而次第用之當
無留良詎須不佞從旁從臆然足下之惓惓為國也

無謂不佞耄而辱交儼也雅意不敢不佩也敬托薄
蹠以謝

與葉龍潭

天子西顧旰食舉關陝諸鎮蜚節而屬明公矣日西
師之未亟定也衆若曰明公未為政比今命下而後
喜可知也使來以泣事報益喜謂明公業承尚方劍
董文武諸大吏以從事於罪大惡盈之逆丁旌色一
改而虜酋之助逆者會聞以失利退逆孤當速殲逆
殲虜且氣褫夫塞事之積忸有由來矣天故儼之以

亂亂不殷則忸不飭比其既殷而天將悔禍於我不
終獎亂併與積忸者而大振之乎必得其人乃濟門
下念之哉塞事更新翳自今始不佞不知兵而知門
下素所蘊蓄不直為國家旦莫計也逆平之後更塵
遠晝爾是用藉使者一布之

與朱鑑塘

往不佞幸獲與門下聯事稱道義交中心藏之離合
亡論已廼門下用特徵起而不佞亦猥從放餘奉環
賜後先就列即不區又作彈劾語能無賈益之過乎

然辭馳許拜命之先浣可知也門下抱道東山養
益高神益王起當豐鎬之重正色計吏石畫匡時大
君子作用當自有別不佞墨守是椎劣舊我且老矣
濫竽已甚報塞之謂何日夕怔又門下何以振策我
竊願有請也

與盛若華

得書知己抵荊州古論人者稱委之利以觀其守賢
則夙自愛矣安所事觀蓋所謂選擇而傳之也雖然
士當事乃見夫超然於塵浣之表而出途者且歌舞

焉是在今日哉特在世誼輒布悃款不多及

與常心吾

稚劣陳人頃來所叨被既逾涯甚矣近復不自意有
佐銓之命地重德輜天抱冰谷猥奉鼎翰增其汗
慊三肅使者謝焉方寓勞棘日高麗復以被倭告如
其然乎則敝邦父老固徃日驚弦之羽也顧徃六翮
麓具今脩又零矣然不佞輒為維素有所恃恃明公
之綢繆窮海而且勤恤其彫黎耳昨明公柰何作他
請哉宸眷方以西淵昇明公紓東顧憂願終留念

與沈鏡宇

伏讀劄諭并揭至云非為一身進退計為朝廷輕重計蓋竦意而復者三嘻今之所為易其言者豈以當世士率重解組哉然門下之非重解組也人能知之矣廼不佞則謂門下不可去謂夫鼎呂在列而苦窳者自失也門下欲以去為朝廷重不佞欲以留門下重朝廷願終念之

與王對南

門下頃以回天未遂定行矣自門下行而同朝百僚

殷又抱杞憂滋益深夫出晝而不追子輿氏所為浩
嘆也門下則既入里門矣披肝回首之章繼上矣天
祚國家庶幾改之哉何其遲也子輿氏猶然日望之
門下遇主承眷百子輿氏日望之不足將無丙夜凭
欄一占帝座若前星乎四方事且紛又以告官府朝
鄙安卜所底有年頽頽旅進空從大夫後焦然無能
為焉伏奉鼎剗三肅使者以報不敢侈言錦堂綠野
之盛并述年今曩所被門下知渥以續尊聽輒布其
頽又者如此

與鄧定宇

門下方與間氣朝野高標望重公卿道尊鎬序天將
以為木鐸政當首善之區地更便於板輿不隔移忠
之願人倫之師表翳在世道之涪隆寔關景星卿雲
人方瞻注長林豐草公母夢思不佞抱甕餘傭吹竽
濫品猥移銓部深悞廩官頃列狀陳無以嫌引未遂
稅駕祇益飲冰輒藉尊俎薄抒鄙臆伏希委炤不盡
馳誠

與沈繼山

倅來以揭及劄教弟固知門下之必有是也中州禽
新部覆自宜趨赴其可否則門下裁之伏需嗣音不
佞不敢緩頰吾輩行止有義且亦關世氣數何云哉
時事可憫嘆者不貲未能索言相望數千里祇有耿
耿

與座師秦華翁

頃次君者儼然以尊劄至也捧對悚仄念門生闕然
乏歲時之敬何敢塵俯記若此已又念從長安塵中
盱衡天台間紫氣乎詎若一當次君熟聞起處衍又

狀則喜不自勝曰吾師庶幾壽且愉哉何以能樂笙
歌也有年戊子冬放歸改歲同堂災廬以七尺及其
孥免拮据風雨間不能走天台捧杖履遊又改歲猥
被朝命以出南北如驚愧以推劣陳人旅進辱重地
空墨守是踣又硜又若不敢為師門點者稱塞之謂
何惕然顏汗已屬次君刺興云舍人且還上壽敬手
尺一附布棕焉垂白門生深心淺牘可勝馳邇

與曹仰雲

頃一再接丰采無何使旌端發矣適承翰函知始下

車而蒿目河憲若旱蝗之為民病也有意其為之所
此真觀風者事哉頃東西交倣事未知安極乃尤可
慮者閭閻凋瘵人心且不寧輜軒所歷將使文武吏
象指宣猶用莫茲中原不佞頃拭以竢

與沈繼山

門下之連章勇退當宁之特旨敦趣皆義也人間牙
頰安極頤吾輩自屢無疚耳老丈裁之義可以留則
留留亦為正人增色為世道增色義可以去則去去
亦為正人增色為世道增色若尊教所稱倔強也切

上也慮當來也即蒙是郵也以弗容於世不亦多乎
與其不如是而容也所可嘆恨者宇內人品有幾歲
月亦有幾出山無何而顧復令齟齬弗容耶夫以去
為正人色非正人之幸也以去為世道色非世道之
幸也此不佞之所尤嘆恨也聞從者繇鄭襄直走珂
里脩途顧自愛尊教云五內頻寬固體廷毀不佞良
念之願重自愛儻天幸世道併以幸正人庶幾固趣
駕哉丈亦無須長往弟義不為卮言以謗門下惟高
明鑒察

與賈西池

門下以壯猶燦王靈以膚功承天寵來稔有赫哉伏
領尊札則退然勞謙之致而蘄畢力於賊虜之恣肆
也不佞寔仰且祝謂國家幸無大虞久矣狂賊一旦
起逾時未亟平寓內騷然有可隱憂者患不直關陝
失賊故挾虜重耳虜自去冬之創故心警門下威頃
入又得董帥搗巢力也門下第部勒諸校若將乘其
瑕然犬羊愕顧且新飽而歸護所獲當勿敢動儻得
薄冬月不入賊必無幸矣關陝安寓內奸宄且逆折

此門下所以報 聖天子也不佞焉知兵事越俎而譚譚又無竒馳誠而已

與吳平山

椎劣陳人比者濫移銓地盖耻又有冰谷之懷焉伏承翰音謂必有以交傲不佞乃過情之譽爛焉溢楮將無謂耄而舍我耶缺所望矣時習右文足下往往在江州憂民飭屬直以真懃迫切勝盖耳目中所絕少者聞今維楊之政一似江州藉令宇內得公等數十百人褰帷握符競脩實事元元何患不蒙福第不佞

之愚謬意天下事非一人所能顓成同事者亦未必
定頑頓不可語使意見齟齬明示之以事理而感動
之以惻款未必定不可回至於地方利病既已灼見
其然自當極力興除而就中厝注湏於明利中察無
隱患於創始中度能成終於有事中行所無事乃為
盡善高明以為何如辱在知愛不敢為卮言相謬即
言之無當想不為怪也

與臧理軒

違迤幾閱載濶焉聞問春來幸獲見噐若因獲藉問

尊履適若奉清光愧碌々長安客未能以寸楮塵東
山几屐併賀翁家之有象賢也旋器君過而授之鼎
函何當念存且啣且懣不佞椎劣故吾耳入山不深
謬復等重地益飲冰思逃焉時若見泰岱間紫氣意
翁家當其下為之盱衡高蹈而又念廟堂方延訪舊
德門下卧且未安適器君以使便歸輒振慵一致其
意未盡懣々

與周懷魯

今天下士翮又哉文不啻勝矣惟是首善之地四方

所觀比者得大雅為政將使文質有所底庸樹王國
禎章儒效於天下斯不亦名賢夙昔所期許然者而
寔公家今日委重意也不佞家東浙足下嘗西衡湘
士士出門者甚盛具為不佞頌之以故益為都人士
喜敬因將命者布焉